

四明叢書

張宗祥



章齋講友

劉白水先生勉之

胡籍溪先生憲

劉屏山先生子翬

並詳劉胡諸儒學案

范先生如圭

詳見武夷學案

胡先生璟

胡璟字文叔朱子嘗答其書云承書喻及先世交遊之
好不勝感愴三復書詞乃知有志傳家之學又以爲慰
今世徇俗爲人之學固不足道其稍知用心于內者往

往又以驚于高遠而失之是可歎也來喻云云似已察
于此者但常專心致志思繹踐行有疑則與同志講而
明之則庶乎其有得矣

朱子文集

梓材謹案先生先世蓋與韋齋爲
友故朱子答之云云姑附于此

鄧先生肅

鄧肅字志宏南劔人有文集號栢欄遺文三十卷宣和
壬寅良嶽成徽宗御製記李質曹組各獻賦先生爲太
學生獨上十詩稱述花石之事其末句云但願君王安
萬姓閭中何日不春風詔屏逐之靖康初李伯紀啟其

事薦其才召對賜進士出身得爲右正言著正直之名

於當日云 揮塵後錄

梓材謹案四庫書目著錄栢欄集十六卷提要云當張邦昌之僭立也間行奔赴南京大節與杜甫略相似其靖康迎駕行後迎駕行等篇亦頗近南奉先諸作在南北宋間可謂策厲名節之士又唐宋以來學者皆尊揚雄熙寧中遂至配享而肅書揚雄事獨指爲叛臣無可容于天地之間與沈與求疏論王安石過尊揚雄未知孰爲先後然均在朱子綱目書莽大夫之前考陸深溪山餘語載其與朱子父相善有醉留冠帶以質紙筆之戲其寄朱韋齋詩卽道其事然則綱目之斥揚雄得無傳其說乎其識如是宜其立身有本末矣

栢欄遺文

世人嘗謂窮達自天余以謂窮達自人非天也夫爲直者必窮爲佞者必達自古及今莫不皆然夫豈天哉雖然人生世上不過數十寒暑盛衰得失如蟻穴一夢耳於此枉道喪節以干妻孥之奉一時沛然自謂得志殊不知萬世之下使人聞其名而唾之僅與禽獸比若正直之士雖當時身不絲腹不粟斥蠶流離真若可憐者然所謂浩然之氣歷千百年猶與日月爭光以此校彼孰久孰近故君子寧餓寧黜寧不用於世寧不得安其身於朝廷之上至于剖心抉眼碎于賊手亦寧任之粹

案上文蓋指伯夷柳下惠孟軻韓愈比干子胥真卿杲卿諸君子惟直不可變耳原直

孟軻不與橫逆之人校曲直而與齊宣王論達尊韓愈不與高閑文暢校夷夏而與憲宗論佛骨韓信不與進陰少年校勝負而與項羽爭雄藺相如不與廉頗校上下而與秦王爭割地蓋不屑屑于其小者所以養成其大也揚雄不肯屈節于董賢而甘爲王莽之臣柳宗元不肯下氣于皇甫湜而甘爲王叔文之黨李忠臣赴君父之急能斥曰者之言終不能拒朱泚之命卒以叛李陵能以匹馬力戰極邊終不能輒出一言上抗虜廷卒

負其君爲左衽之鬼蓋遇細故則竊虛名臨大節則顧
死生此小人之事也大人何取焉古之所謂大人者體
均天地而氣通陰陽天地覆載之中不卻虵虺陰陽寒
暑之變不恤怨咨但推一元之氣運量斡旋于太空不
可窮極之間乾闢坤藏春生秋殺又何必物物與之校
可否乎若乃小人則一切反是余嘗譬之以狗飲食糞
穢盤旋戶外伺有至者不問淑慝瞋目怒牙聲氣俱厲
將搏而噬之然後爲快于心顧其悻悻真若有守而不
負其主者儻有客焉委骨于地彼則搖尾而進欣然就

之視曩昔切齒之人便爲恩地亦豈暇顧其主乎此大
人小人之辨不可以不察也晉語有之人才相去不啻
九牛一毛蓋歎其相絕如此顏子于此犯而不校蓋不
足與校也小子其志之

不校

鄧先生啟

雲濠謹案特姓統譜云字元迪崇仁人爲人有氣
節早名能守約序其集曰人知先生之詩工
力絕倫而不知先生之道之死不屈
先生以是爲詩故不追少陵不止

俞西郊先生靖

俞靖一名猷仲字宋祐婺源人績學砥行晚號西郊者

人與朱韋齋爲星溪十友

姓譜

張先生敦頤

張敦頤字養正婺源人紹興進士爲南劍州教授與朱
韋齋松友善後倅宣城攝郡事著有編年六朝事蹟衡
陽圖志

江南通志

李氏家學

李先生信甫

李信甫南劍人延平先生侗之子舉進士歷監察御史
出知衢州善政善教不忝家學擢廣東江東憲以特立

不容於相罷去

姓譜

李氏門人

補承議羅先生博文

梓材謹案李延平文集附錄先生之言曰延平先生之傳迺某伯祖仲素先生之道河洛之學源流深遠稱豫章爲伯祖則先生乃豫章仲孫也又案先生字宗約一字宗禮

附錄

先生生有異質家人試以碎藥一無所顧獨匍匐取書冊之言性理者展玩久之

嘗銜命漢中勞撫將士宣撫使以禮致遺爲錢三百萬

公不欲受而難于辭卻還次漢州州方治貢院不能就以五十萬予之餘悉輸成都公帑取河南程夫子之遺文與他名臣論奏纂述之可以垂世者募工鋟板用之略盡而橫渠張夫子之家避地流落貧不自振公訪得之爲言汪公應辰延置府學蜀士知所勸焉

在桂州時汪公蓋方通判州事知公所爲日就公語且亟稱道其爲人故卒以自助時刑部劉公芮亦方隱居州之西山躬畊勵志人罕識之公獨以坐曹決事之餘日往從之遊劉公名家子及見前輩多識前言往行顧

獨恨得公晚及聞公卒哭之慟為寢疾不食者數日

補

劉先生嘉譽

雲濠謹案先生為
樂昌尉見閩書

朱氏門人

程韓溪先生鼎

程鼎字復亨婺源人朱韋齋之內弟也少孤從韋齋學於閩中因得講聞一時儒先長者之餘論而心悅之鈔綴誦習晨夕不少懈其歸也韋齋書六言以贈之皆事親修身為學之要益自樹立中歲奉親徙居窮山中自

號韓溪翁子洵

朱子大全集

梓材謹案萬姓統譜言先生與羅願輩同學於羣
齋又云博覽經籍爲文不效舉子尺度不仕而卒
雲濠謹案朱韋齋集送先生序云廣平程某復亨
爲余外兄從余遊于閩者二年余語以安逸憂患
知之詳矣以爲外兄與朱子文集以爲內弟者異
豈爲余外兄係謂余外兄之訛耶又案所告六言
一曰葬吾舅而後仰吉服二曰葺爾居以寧爾親
三曰非爾父之類者勿親也四曰廣學問以資見
聞五曰勿懷安六
曰無忘四方之志

知州羅先生願

羅願字端良歙縣人兄弟皆有文先生尤博學好古法
秦漢爲詞章高雅精鍊朱子時稱重之有文集十卷爾

雅翼二十卷果官知州有善政

姓譚

爾雅翼自序

古初造化始蒔萬彙芒芴並生其間民生如標枝鹿豕
爲羣自以爲一物不自貴珍有聖人者立傑出其倫使
同類相收異類區分正名百物毛羽介鱗圓首方趾自
別爲民乃佃乃漁乃刊乃焚選百羞百穀以爲常珍味
其辛毒俾相君臣靈智以爲畜猛賦服循異物著之鼎
別姦與神遂超萬物莫與之隣號名三才與天地均裁
制萬品皆由乎人物患旣去其利畢陳智者用其實因

既以文有所著作假之而論故詩首關雎春秋感麟易
八卦始畫仰天俯地窮鳥獸之文書契因之是生典墳
禮觀象作服贄死生之物以明卑尊吹竹聽鳳爲樂本
原魯論貴多識譏五穀不分聖有所不語亦有所常言
至王會紀遠物則多異聞離騷志潔惟掇其芳芬不若
爾雅博洽雅馴起于漢世學者自爲專門欲輔成詩道
廣撫傍穿萬物異名始著于篇先師說之義多不鮮中
古學廢絕說者無所旁緣風土不同各據所偏江南之
產踰北而遷至其語音亦不相沿鄭人命死鼠儼于瓊

璠六書之相假譌則爲鱣物亦固有難識不可汎觀惡
莠亂苗豫章須七年非好古博雅身履藪澤孰能究宣
野人能別之不能見于傳至謂鴟爲匠魚罟爲筌六駁
以爲馬不可駕牽謂芍藥無香說芳草者初不識蕙與
蘭羅子疾之乃探其原因爾雅爲資略其訓詁山川星
辰研究動植不爲因循觀實于秋玩華于春俯矚淵魚
仰察鳥雲山林阜壤遇物而欣有不解者謀及蒨薪農
圃以爲師釣弋是親用相參伍必得其真此書之成爲
雅羽翰其涵如海其負如山其稱物小義炳而覽不強

所不知義無不安宇中所有目擊而存指毛命獸見末
知根可用閱覽虞悅性情玩化無窮以觀我生率是佐
時人主以裁成通之于六藝疑義以明千世之下與雅
並行後有子雲君山之儔乃知其精雅道復顯功斯亦
宏矣

鄂州文集

世之君子惟其責輕而慮近幸人之不能議已斯以爲
足于其心而已矣若夫聖人之舉措不患不能慰天下
之心惟夫天下悅之太篤不復置疑于其間則聖人方